

Bievrrašjávrrri meahcceguovllu dikšuma ja geavaheami plána

Meahcceguovloláhka (62/1991) geatnegahtta Meahciráđđehusa gárvvistit meahcceguvlui dikšun- ja geavahanplána, mii dahkko 10-20 jahkái hávállassii ja das meroštallat doaimmaid maiguin ollašuttit vuodđudanmihttomeriid. Sáhka lea dikšun- ja geavahanplána beaivádahttimis, go ovddit plána guvlui lea nannejuvvon jagi 2001.

Plánaguovlu sisttisdoallá Bievrrašjávrrri meahcceguovllu, man viidodat lea 1274 km² ja dat lea čihččedin viidámus buot meahcceguovluin. Guovllu gusket luonddusuodjalanlága Natura 2000 - guovlluid guoskevaš njuolggadusat, maid mielde guovllu suodjaleami vuodđun lean luondduriggodagaid mearkašahtti heajudeapmi lea gildojuvvon.

Bievrrašvuomi ja Sárávuomi-Guoskkesábi jekkiidsuodjalanguovllut leat guđđojuvvon dikšun- ja geavahanplána olggobeallái meahcceguovllu ja luonddusuodjalanguovlluid guoskevaš earálgan njuolggadusaid dihtii.

Plánaguovlu lea boazodoalloguovllus ja sámiid ruovttuguovllus ja gullá mihtilmasat báikki olbmuid árbevirolaš návddašanguovlluide. Bievrrašjávrrri meahcceguovlu lea Neakkela bálgesa guovlu, masa gullet mángga siidda.

Plána mihttomearrin ásahuvvui guovllu meahcceláganvuodá seailun, Natura-luonddutiippaid ja šlájaid eallinbirrasiid dili seailun dahje buorráneapmi, sáme kultuvrra ja eará báikkálaš kultuvrra, boazodoalu ja luondduealáhusaid eavttuid seailun. Ásahuvvonmihttomeriid figgat ollašuttit plánii girjejuvvon doaimmaiguin.

Plána beaivádahttima mielde okta guovddáš nuppástusain lea meahcceguovllu čujuheapmi ollásit boaittoavádahkan, man mielde guvlui eai aktiivalaččat oahpis johttiid eaige hukse ođđa bálvalanrusttegiid. Guovllu suodjaleami vuodđun lean luonddutiippaid ja šlájaid ja daid eallinbirrasiid seailuheami dáfus olles guovllu čujuheapmi boaittoavádahkan láchčá saji ovdáneapmái, luonddu iežas proseassaid mielde.

Guovllus eai leat merkejuvvon vánddardanjohtolagat, muhto doppe johtet mánggaid dábálaš meahcceluottaid mielde. Guovddáš vuolggasajit leat Neakkela gilis meahcceguovllu oarjjabealde ja Galbmagáldu guovllus máttanuortin. Meahcceguovllus leat vihtta stobu vánddardeddjiide.

Dikšun- ja geavahanplána linnjemiid vuodđu lea meahcceguovlo- ja luonddusuodjalanlágain ja eará láchkaásaheamis, guovllu geavaheaddjiid ja čanusjoavkkuid ovdanbuktán oainnuin sihke lágas ásahuvvon ráđđádallamiin guovllu bálgesiin ja Sámedikkiin. Plána várás vuodđuduvvui ovttasbargojoavku, masa bovdejedje ovddasteaddjit čanusjoavkkuin. Sámedikki nammadan Akwé: Kon -bargojoavkku bokte lea sihkaraston sápmelaččaid oassálastin plána gárvvisteapmái ja váikkuhusaid árvvoštallamii, mat čuhcet sáme kultuvrii.